



20 19 йил «22» 05

№ 08-277

«___» _____ 20__ год

**Ўзбекистон Республикаси Президентининг
2019 йил 5 майдаги ПҚ-4306-сон қарори ижросини
таъминлаш тўғрисида**

Ўзбекистон Республикаси Президентининг 2019 йил 5 майдаги “Иқтидорли ёшларни аниқлаш ва юқори малакали кадрлар тайёрлашнинг узлуксиз тизимини ташкил этиш чора-тадбирлари тўғрисида”ги ПҚ-4306-сон қарори ижросини таъминлаш мақсадида

БУЮРАМАН:

1. Ўзбекистон Республикаси Президентининг 2019 йил 5 майдаги ПҚ-4306-сон қарори (кейинги ўринларда Қарор деб юритилади) ҳамда Ўзбекистон Республикаси олий ва ўрта махсус таълим вазирининг 2019 йил 4 майдаги 409-сон буйруғи раҳбарлик ва ижро учун қабул қилинсин.

2. Қарор билан:

ғолиблари давлат олий таълим муассасаларига тест синовисиз ва қўшимча имтиҳонсиз қабул қилинадиган халқаро олимпиадалар рўйхати;

2019 йилда Ўзбекистон Республикаси Халқ таълими вазирлиги томонидан Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда ўтказиладиган қўшимча республика олимпиадалари рўйхати тасдиқланганлиги инобатга олинсин.

3. Қуйидагилар:

а) халқаро олимпиадалар ғолиблари ва уларнинг ўқитувчилари энг кам ойлик иш ҳақининг қуйидаги миқдорларида бир марталик пул мукофотлари билан тақдирланиши:

1-ўрин (олтин медаль) учун – 500, ўқитувчисига – 450 баравари;

2-ўрин (кумуш медаль) учун – 300, ўқитувчисига – 250 баравари;

3-ўрин (бронза медаль) учун – 200, ўқитувчисига – 150 баравари;

б) асосий олимпиадалар республика босқичи ғолибларининг ўқитувчилари энг кам ойлик иш ҳақининг қуйидаги миқдорларида бир марталик пул мукофотлари билан тақдирланиши:

1-ўрин учун – 50 баравари;

2-ўрин учун – 35 баравари;

3-ўрин учун – 30 баравари;

в) халқаро олимпиадалар ғолибларини тайёрлаган ўқитувчилар ва таълим муассасаси директорларига навбатдаги ўқув йили учун директор жамғармасидан олтин, кумуш ва бронза медаллари бўйича тегишинча қўшимча 200, 175 ва 150 фоизлик устама тўланиши;

г) таълим муассасаларида ўқитувчи бўлиб фаолият юритаётган:

халқаро олимпиадалар ғолиблари лавозим маошига ҳар ой 150 фоиз;

асосий олимпиадалар республика босқичи ғолиблари лавозим маошига ҳар ой 100 фоизлик устама ҳақи тўланиши;

д) олий таълим муассасасини тамомлаган олимпиада ғолиблари Ўзбекистон Республикаси Вазирлар Маҳкамаси ҳузуридаги Мутахассисларни хорижда тайёрлаш ва ватандошлар билан мулоқот қилиш бўйича “Эл-юрт умиди” жамғармаси томонидан шакллантириладиган истиқболли мутахассислар захирасига киритилиши кўрсатиб ўтилганлиги қайд этилсин.

4. Лицей ва коллежлар билан ишлаш бўлими (О. Солиев) ҳудудий адлия бошқармалари бошлиқлари – юридик коллежлар директорлари, университет ҳузуридаги академик лицей директори Ш. Бобокулов билан биргаликда юридик коллежлар ҳамда академик лицей ўқувчиларига Қарор мазмун-моҳиятини тушунтирилишини ҳамда унда белгиланган вазифаларни ўз вақтида, тўлиқ ва сифатли бажарилишини таъминласин.

5. Мазкур буйруқ ижросини назорат қилиш проректор Д. Умаров зиммасига юклансин.

Проректор

М. Камалов